

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 6

**Mga Masigka-magbubuhay sa Dios alang sa Iglesia
nga Yutang Gitikad sa Dios ug Balay sa Dios**

Basahonon Kasulatan: 1 Cor. 3:6-7, 9, 12, 16-17; 15:58; 16:10

- I. “Mga masigka-magbubuhay mi sa Dios; kamo ang yutang gitikad sa Dios, ang balay sa Dios”—1 Cor. 3:9; Juan 5:17; 2 Cor. 6:1a:**
- A. Sa hiniusa, kita nga iglesia sa Dios naay Cristo nga binhi sa kinabuhi nga gitanom sa sulod nato; motubo gyod si Cristo sa sulod nato ug magpalugwa gikan nato og dili bunga kondili hamiling materyales nga bulawan, salapi, ug hamiling mga bato aron matukod ang puluy-anan sa Dios dinhi sa yuta.
 - B. Magtukod sa iglesia nga Lawas ni Cristo ang pagtubo nato sa kinabuhi, ug mahitabo kini sa pagtubo ni Cristo nga diosnong binhi sa kinabuhi sa sulod nato—1 Juan 3:9; 1 Ped. 1:23; Col. 2:19; Efe. 2:21; 4:15-16:
 - 1. Gipatubo sa Dios ang iglesia pinaagi sa pagkaon sa mga bahin ni Cristo sa gatas nga walay sambog ug sa gahing kalan-on sa pulong—1 Cor. 3:2; 1 Ped. 2:2; Heb. 5:12-14; Juan 5:39-40; Mat. 4:4; Jer. 15:16.
 - 2. Gipatubo sa Dios ang iglesia pinaagi sa pagbisbis sa Lawas ni Cristo sa ginasang mga bahin niini—1 Cor. 3:6; Juan 7:37-39.
 - C. Isip yutang gitikad sa Dios nga gitam-an, gibisbisan, ug gipatubo, magpalugwa gyod untag mga tanon ang iglesia, apan ang hustong materyales alang sa pagtukod sa iglesia mao ang bulawan, salapi, ug hamiling mga bato, nga nagpasabot og pagkatransporma; dili lang nga motubo gyod ta sa kinabuhi kondili matransporma sab sa kinabuhi—1 Cor. 3:6-7, 9, 12a; 2 Cor. 3:18; Rom. 12:2:
 - 1. Ang matransporma kana mang mapaambit ug maumol ang pneumaticong Cristo, ang Cristo nga naa sa pagkabanhaw nga Espiritung taghatag-og-kinabuhi, nganha sa atong kalag aron pulihan ang pagkamao nato diha sa natural nga kinabuhi aron motubo si Cristo ug mokunhod ang atong natural nga kinabuhi—1 Cor. 15:45b; 2 Cor. 3:17-18; Efe. 3:17a.
 - 2. Ang pagtransporma dili man dayag nga pagtul-id o pagpahiangay kondili metabolicong pagbuhay sa kinabuhi sa Dios sa sulod nato sa pagdugang sa elemento sa diosnong kinabuhi ni Cristo sa atong pagkatawo aron makapadayag ta sa dagway ni Cristo.
 - 3. Organico ug metabolico ang kahikayan sa pagtransporma; organico kini kay may kalabotan man sa kinabuhi, ug metabolico kini kay may kalabotan man sa kahikayan nga gihaw-as ang daang mga elemento ug gidugang ang bag-ong mga elemento—Rom. 5:10:
 - a. Aron makapabilin ta diha sa kahikayan sa pagtransporma, pahimuslan gyod nato ang mapadayonong pag-atiman sa Ginoo hangtod sa kataposan sa atong mga adlaw—“Ang Dios nga nag-atiman nako sa tibuok kong kinabuhi hangtod ning adlaw”—Gen. 48:15b; Sal. 23:1; 1 Ped. 2:25; Bug. 3:7-8.
 - b. Aron makapabilin ta diha sa kahikayan sa pagtransporma, mosud-ong gyod ta sa nawong sa Dios (Gen. 32:30—Peniel; 2 Cor. 3:18; 4:6-7), mangita sa Iyang nawong (Sal. 27:8, 4), ug magpahimulos sa Iyang nawong nga sangkap nato sa pag-alagad (Exo. 25:30; 33:11a), magbuhay sa tanan diha sa nawong, sa per-

sona, ni Cristo aron matransporma ta gikan sa himaya ngadto sa himaya (2 Cor. 2:10; 3:18).

- D. May kalabotan sa Tulo-usang Dios ang bulawan, salapi, ug hamiling mga bato—sa kinaiya sa Amahan, sa katubsanan sa Anak, ug sa nagtranspormang buhat sa Espiritu; nagtimaan kini sa nagkalainlaing kasinatian ni Cristo diha sa maayong kagawian ug mga kaayo sa Tulo-usang Dios, ug mga produkto kini sa pagpahimulos nato ni Cristo—1 Cor. 3:12a; 15:45b; 6:17.
- E. Nagkahimo tang bulawan, salapi, ug hamiling mga bato alang sa pagtukod sa Dios; aron makatukod gamit kining mga materyala, kita mismo kinahanglan nga maumolan niini; kinahanglan maumolan ta sa kinaiya sa Amahan, sa katubsanan sa Anak, ug sa pagtransporma sa Espiritu—3:12.
- F. Kinahanglan sab tang makat-on nga motambayayong sa nagtranspormang Espiritu aron hingpitan ang mga balaan sa pagpangalagad nato sa Tulo-usang Dios nga bulawan, salapi, ug hamiling mga bato ngadto nila aron matransporma sila sa mga kaayo sa Tulo-usang Dios nga giuol kanila aron mahimong maayong kagawian nila; gipakita kini sa Awit sa Mga Awit 1:10b-11:
 - 1. Sa nakasulod na sa iglesiahang kinabuhi ang mga maghihigugma ni Cristo, gitransporma dayon sila pinaagi sa pagbuhat pag-usab sa Espiritu—vv. 9-16a; 2:1-2.
 - 2. Ning buhat sa pagtransporma gikinahanglan ang pagtambayayong sa pila ka “tigtransporma”—ang mga tighingpit nga nitabang sa mga matinguhaon nga makaila sa Dios diha sa Iyang kinaiya ug makasinati ni Cristo—1:11; Efe. 4:11-12.

II. Aron motubo ta sa kinabuhi ug matransporma sa kinabuhi, mobulig gyod ta ni Cristo nga nagpuyo sa sulod pinaagi sa pagtagad nato sa atong kasingkasing; ang kasingkasing maoy kinatibuk-an sa sulodnong mga bahin sa tawo, ang kinalabwang representante sa tawo, ang ahente niya:

- A. Hinimo ang atong kasingkasing sa tanang bahin sa atong kalag—sa salabotan, pagbati, ug pagbuot (Mat. 9:4; Heb. 4:12; Juan 14:1; 16:22; Buh. 11:23)—ug usa ka bahin sa atong espiritu—ang konsensya (Heb. 10:22; 1 John 3:20).
- B. Ang atong kasingkasing ug ang kahintang niini atubangan sa Dios organico, tiunay, ug dili mabulag nga nalambigit sa kahintang sa atong espiritu, kalag, ug lawas atubangan sa Dios:
 - 1. Magpulos lang ang paggamit nato sa atong espiritu kon aktibo ang atong kasingkasing; kon wala magtagad ang kasingkasing sa tawo, mapriso ang espiritu sa sulod ug dili makapadayag sa kahimoan niini—Mat. 5:3, 8; Sal. 78:8; Efe. 3:16-17; Bug. 3:14-22; Deut. 4:25 ug nota 1.
 - 2. Ang kalag mao ang persona mismo, apan ang kasingkasing mao ang personang naglihok; ang kasingkasing maoy ahente, ang tinugyanan kun komisyonado, sa tibuok natong pagkatawo.
 - 3. Nag-agad sa pisikal natong kasingkasing ang mga kalihokan sa pisikal natong lawas; maingon man sab, nag-agad sa sikolohiyang kasingkasing nato ang adlaw-adlawng pagkinabuhi nato, ang linihokan ug ginawian nato.
- C. Ang kasingkasing maoy ganghaan ug gul-anan sa kinabuhi, ang “switch” sa kinabuhi; kon dili husto ang kasingkasing, maulang ang kinabuhi nga naa sa espiritu, ug dili gawasnon ug walay kaulangang makalihok ang balaod sa kinabuhi aron modangat sa tanang bahin sa atong pagkatawo; bisan dunay dakong gahom ang kinabuhi, gikontrol sa gamayng kasingkasing nato kining dakong gahom—Prov. 4:23; Mat. 12:33-37; itandi sa Ezeq. 36:26-27.

III. Mobulig gyod ta sa Ginoo aron motubo ug matransporma ta sa kinabuhi pinaagi sa pagtagad nato sa atong kasingkasing aron maampingan ta ning upat ka kinaiya:

- A. Gusto ang Dios nga humok ang atong kasingkasing:
 - 1. Sa pagtagad sa Dios ang atong kasingkasing, gikuha Niya ang kasingkasing nga batoon gikan sa atong unod ug gihatagan tag kasingkasing nga unod, kasingkasing nga humok—v. 26.
 - 2. Nagpasabot ang humok nga mapasakopon ug masinugtanon sa Ginoo ang atong kasingkasing, dili tikig-og-liog ug masupilon—itandi sa Exo. 32:9.

3. Ang humok nga kasingkasing mao ang maayong yuta nga gawasnong katuboan ni Cristo; kasingkasing kini nga wala mogahi tungod sa pakighugoyhugoy sa kali-botan, wala magtinguha sa kaugalingon, ug walay kabalaka sa panahon ug wala malimbongi sa bahandi—Mat. 13:3-9, 18-23.
4. Gipahumok sa Dios ang atong kasingkasing sa paggamit sa Iyang gugma sa pag-tandog nato; kon dili makatandog nato ang gugma, gamiton Niya ang Iyang kamot pinaagi sa palibot aron disiplinahan ta hangtod mohumok ang atong kasing-kasing—2 Cor. 5:14; 4:16-18; Heb. 12:6-7; itandi sa Jer. 48:11.

B. Gusto ang Dios nga putli ang atong kasingkasing:

1. Ang putling kasingkasing kasingkasing nga nahigugma sa Dios ug nagtinguha sa Dios; gawas sa Dios, wala kiniy laing gihigugma, hilig, o gitinguha—Sal. 73:25; itandi sa Jer. 32:39.
2. Bug-os gyod unta ang atong kasingkasing alang Dios aron wala tay kahadlokang kondili kana rang makapasilo ta Niya ug mawad-an sa Iyang presensya—Sal. 86:11; Isa. 11:1-2.
3. Ang pagkaputli og kasingkasing kana mang usa ray tumong nga mao ang pagtuman sa kabubut-on sa Dios alang sa himaya sa Dios (Mat. 5:8); ang tumong nato mao gyod unta ang hingpit nga pagpahimulos ug pagkabaton ni Cristo (Fil. 3:7-14).
4. Magtinguha gyod ta ni Cristo “uban sa mga nagtawag sa Ginoo gikan sa putling kasingkasing”—2 Tim. 2:22; 1 Tim. 1:5; Sal. 73:1.

C. Gusto ang Dios nga mahigugmaon ang atong kasingkasing:

1. Ang mahigugmaong kasingkasing kasingkasing nga ang pagbati nahigugma sa Dios, gusto sa Dios, giuhaw sa Dios, ug nangandoy sa Dios, dunay personal, mabination, pribado, ug espirituanong relasyon sa Ginoo—42:1-2; S. S. 1:1-4.
2. Sige gyod natong ipabalik sa Ginoo ang atong kasingkasing ug kanunay kining ipabag-o aron duna tay bag-o ug lunhaw nga gugma ngadto sa Ginoo—2 Cor. 3:16; *Mga Alawiton*, #546 and #547.
3. Nagsugod sa gugma sa kasingkasing ang tanang espirituanong kasinatian; kon wala ta mahigugma sa Ginoo, dili gyod ta makadawat og bisan unsang espirituanong kasinatian—Efe. 6:24; Bug. 2:4-5.
4. Magpaangayan, maghingpit, ug magsangkap nato ang paghigugma nato sa Ginoo aron mamulong alang sa Ginoo nga dunay pagbulot-an Niya; kon nahigugma ta sa Ginoo sa kinahingpitan gyod, mapuno ta ug mag-awas-awas Niya—Juan 21:15-17; Mat. 26:6-13; 28:18-20.

D. Gusto ang Dios nga magmalinawon ang atong kasingkasing:

1. Ang kasingkasing nga malinawon kasingkasing nga ang konsensya walay sala, walay pagtuto, o walay ikasaway—Buh. 24:16; 1 Juan 3:19-21; Heb. 10:22.
2. Kon isugid nato ang atong mga sala diha sa kahayag sa presensya sa Dios, mapasaylo ug mahinloan ta Niya aron makapahimulos ta sa walay-pagkabugto nga pakig-ambitay sa Dios nga dunay maayo ug putling konsensya—1 Juan 1:7, 9; 1 Tim. 1:5; 3:9.
3. Ang resulta sa pagpakig-ambitay nato sa Dios diha sa pag-ampo mao nga mapahimuslan nato ang kalinaw sa Dios, nga mao ang Dios mismo nga kalinaw nga nagbantay sa atong mga kasingkasing ug mga hunahuna diha ni Cristo, nagpakalma ug naghimo natong malinawon—Fil. 4:6-7.
4. Pahusayon gyod nato ang kalinaw ni Cristo sa atong kasingkasing sa pagpasayloay nato sa usag usa aron masul-ob ang usang bag-ong tawo—Col. 3:13-15.

IV. Ang pag-amping sa atong kasingkasing sa kahintang nga humok, putli, mahigugmaon, ug malinawon magluwas nato sa pagtukod gamit ang walay pulos nga mga materyal nga kahoy (ang kinaiya sa natural nga tawo), sabot (ang hulog nga tawo, ang tawo sa unod), ug dagami (pagkawalay-kinabuhi); ang pagtukod gamit kining mga materyala paghimo man sa kadaotan sa balaang puluy-anan; pagdaot kini sa iglesia nga templo sa Dios, ang balay sa Dios—Num. 18:1; 1 Cor. 3:12b, 16-17:

- A. Dunay mga sala nga mabuhat nato sa adlaw-adlawng kinabuhi nato, apan dunay uban pang sala nga mabuhat sa magbubuhat sa Ginoo; mga sala kini diha sa buhat sa Dios; ang pagpakasala diha sa buhat nagpasabot nga makasala ka sa Dios diha sa Iyang

pagkabalaan, himaya, ug pagkamagbubuot; diha sa buhat sa Dios tanang dili motakdo sa kabubut-on sa Dios sala man ug kadaotan kini sa balaang puluy-anan.

B. Dunay tulo ka importante kaayong hunahunaon nato sa buhat sa Dios nga dili gyod nato kalimtan; kon mapakyas ta sa bisan usa ning tulo ka punto, nakahimo ta sa kadaotan batok sa balaang puluy-anan:

1. Ang pagpasiugda sa buhat sa Dios kinahanglan nga uyon gyod sa Iyang kabubut-on; wala gyoy buhat nga mahimong pasiugdahan nato—Rom. 11:36.
2. Ang pag-abante sa buhat sa Dios kinahanglan nga sumala gyod sa Iyang gahom; walay buhat nga mabuhat pinaagi sa kaugalingon natong kusog—Buh. 1:8; Zac. 4:6; Fil. 4:13; 2 Tim. 2:1.
3. Ang resulta sa buhat sa Dios alang gyod sa Iyang himaya; wala gyod untay buhat nga moresulta sa kaugalingon natong himaya—Juan 7:18; 17:4; Efe. 3:21; 1 Cor. 10:31; Isa. 43:7; 2 Cor. 4:5.

V. **Sige gyod tang magtinguha nga mahimong mga masigka-magbubuhat sa Dios nga “nagbuhat sa buluhaton sa Ginoo” (1 Cor. 16:10) ug “magmadagayaon sa buluhaton sa Ginoo” (15:58) sa pagpaumol ni Cristo sa Iyang Kaugalingon kanato (Efe. 3:17) aron motubo Siya sa sulod nato (Col. 2:19), magtransporma nato (2 Cor. 3:18), ug moagay gikan nato (Juan 7:37-38) aron mag-umol sa Iyang Kaugalingon ngadto sa uban alang sa iglesia nga yutang gitikad sa Dios, ang balay sa Dios (1 Cor. 3:9).**